

Tsom Ntsoov Rau Cov Tub Ntxhais

KAWM QIB CUAJ 2020

kawm kom paub ntiv txog kev kawm ntawv hauv theem siab • tsim kev sib raug zoo • txhawb kom txhua tus tub ntxhais kawm ntawv txawj txiav txim siab zoo

Thawj xyoo mus kawm rau theem siab los sis high school mas tej zaum yuav yog kauj ruam nyuab tshaj nyob rau ib tug tub ntxhais txoj kev kawm. Lawv yuav pom hais tias lawv lub luag hauj lwm yuav nce ntiv tuaj, kev kawm ntawv txhua hnuv yuav hloov, thiab txoj kev kawm yuav nyuab nrog rau kev phooj ywg. Qhov nov yog ib qho uas tej zaum yuav ua rau lawv nyuaj siab nyob rau plaub xyoo hauv tsev kawm ntawv theem siab. Vim li no, **Tsoom Fwv Tsev Kawm Ntawv Nroog Xees Phos (SPPS) thiaj li npaj Tsom Ntsoov Rau Cov Tub Ntxhais Kawm Qib Cuaj.**

Thaum cov tub ntxhais mus pib kawm rau qib cuaj, lawv yuav pib txiav txim siab hais tias lawv yuav mus ua dab tsi thiab yuav mus qhov twg tom qab kawm tas theem siab los yog high school. Lub hom phiaj ntawm tus khoos kas **Tsom Ntsoov Rau Cov Tub Ntxhais Kawm Qib Cuaj** yog yuav los muab txoj kev pab cuam rau cov tub ntxhais kawm ntawv raws nraim li qhov uas lawv xav tau kom lawv txuas tau nrog lawv lub tsev kawm ntawv, mus kawm ntawv cuag ncuu thiab kawm tiav raws sij hawm.



spps.org/freshmen

Ua Kom Txhua Tus Tub Ntxhais Kawm Ntawv Vam Meej Nyob Rau Hauv Tsev Kawm Ntawv Theem Siab

Mus txheeb npe kawm ntawv thiab ntsib cov xib hwb hauv tsev kawm ntawv theem siab

Koj lub tsev kawm ntawv yuav muab sij hawm rau koj mus txheeb npe kawm ntawv thiab ntsib koj cov xib hwb ua ntej los sis nyob rau thawj hnuv kawm ntawv. Kev mus txheeb npe kawm ntawv thiab ntsib xib hwb yog tsim los pab kom cov tub ntxhais kawm rau qib cuaj vam meej thiab paub txog tej yam uas lawv yuav tsum paub nyob rau hauv tsev kawm ntawv theem siab, txawj ntse thiab ua tau raws li tej uas tsev kawm ntawv xav kom ua. Cov tub ntxhais kawm ntawv yuav tau txais kev pab thawm xyoo.

Kev Kawm Raws Tus Kheej Lub Peev Xwm

Cov tub ntxhais kawm hauv qib cuaj yuav tau txais kev qhia thiab kev txhawb nqa raws nraim li qhov uas lawv kawm tau zoo tshaj. Kev kawm raws tus kheej lub peev xwm yuav ua twb zoo ntsuam xyuas txog tej yam kev pab cuam uas cov hluas xav tau raws li lawv txoj kev loj hlob thiab yuav txhawb nqa kom lawv muaj lub laj lim tswv yim xav kom tob, nthuav tawm tej yam uas lawv kawm tau, thiab rau siab ntso kawm ntawv los ntawm kev siv technology.

Khoos Kas Sanneh Foundation Dreamline

Nyob rau hauv lub xyoo kawm ntawv, cov neeg coj qhia thiab cov neeg pab qhia ntawv yuav tsim kev phooj ywg nrog cov tub ntxhais kawm ntawv uas tej zaum kawm tsis tshua tau ntawv. Lawv yuav los pab cov tub ntxhais kawm ntawv ntiv nyob rau hauv chav kawm ntawv, tom qab lawb ntawv thiab thaum ua kis las los sis kawm tej yam txhawb ntiv. Lub hom phiaj yog yuav pab txhawb kom cov tub ntxhais kawm tau qhab nia zoo, koom tes rau tej kev kawm tom qab lawb ntawv thiab niaj hnuv mus kawm ntawv thiab coj cwj pwm zoo tshaj qhov qub nyob rau hauv tsev kawm ntawv.

Link Crew

Link Crew yog ib tug khoos kas uas tsim los tos txais cov tub ntxhais kawm qib cuaj thiab pab kom lawv muaj kev kaj siab rau thawj lub xyoo kawm ntawv hauv tsev kawm ntawv theem siab. Thawj hnuv pib kawm ntawv mus txog rau hnuv xaus, cov tub ntxhais uas kawm rau qib kaum ib thiab kaum ob yuav los coj cov tub ntxhais uas kawm rau qib cuaj txoj hau kev, kom lawv paub hais tias yuav ua li cas thiaj yuav vam meej nyob rau hauv tsev kawm ntawv theem siab.

Advancement via Individual Determination (AVID)

AVID yog ib tug khoos kas hauv tsev kawm ntawv uas txhawb cov tub ntxhais kom lawv npaj txhij mus kawm rau qib siab thiab muaj kev vam meej. AVID yuav ua kom txhua yam sib txig sib luag rau cov tub ntxhais txawv nqaij tawv, thiab cov tsev neeg uas tau nyiaj tsawg los sis tsis npaj mus kawm rau qib siab. Mus saib hauv spps.org/avid kom paub ntiv.

Kev Kawm Rau Niam Txiv

Parent Academy yog ib tug khoos kas tsim los qhia rau cov niam txiv thiab neeg saib xyuas txog kev txhawb nqa lawv tus me nyuam nyob rau hauv tsev kawm ntawv thiab dhau yav tod. Tus khoos kas no muaj ib co rooj cob qhia uas coj cov niam txiv, tsev kawm ntawv thiab neeg zej zos tuaj sib koom tes pab npaj cov tub ntxhais kawm ntawv mus kawm rau tsev kawm ntawv qib siab. Muaj qhia hais ua koj hom lus. Yog xav paub ntiv, hu rau Office of Family Engagement ntawm 651-767-8347.

Kev Koom Tes

Txoj kev koom tes nrog Tsoom Fwv Tsev Kawm Ntawv Nroog Xees Phos yuav muaj ntau yam kev pab cuam rau peb cov tub ntxhais uas kawm qib cuaj los ntawm kev txhawb kom lawv niaj hnuv mus kawm ntawv, kev pab cuam los ntawm ob peb pawg niam txiv sib koom txhawb tub ntxhais kawm ntawv uas nyias hais nyias hom lus thiab pawg niam txiv uas pab tswv yim rau hauv paus tsev kawm ntawv thiab txhawb kom cov tsev neeg koom tes rau lawv tus me nyuam txoj kev kawm ntawv. Ib lub koom haum tseem ceeb uas muaj kev koom tes yog Generation Next uas yog ib lub koom haum muaj kev pab cuam txhawb kom cov tub ntxhais kawm ntawv vam meej thaum yau mus txog rau thaum kawm qib siab. Qhov khoos kas no muaj kev pab rau cov tsev kawm ntawv thiab kev pab nyiaj txiag los ntawm lawv qhov khoos kas On-Track.

Yog koj xav paub ntiv txog kev npaj koj tus me nyuam mus kawm rau tsev kawm ntawv qib siab (college), hu rau koj tus me nyuam tus kws pab tswv yim tom tsev kawm ntawv los sis mus saib hauv spps.org/occr.